

叢書集成續編



数据加载失败，请稍后重试！

叢書集成續編

第139冊

集部

上海書店





数据加载失败，请稍后重试！

第一三九冊目錄

集部

別集類

靜觀書屋詩集七卷	清·章鶴齡撰	(貴池)	一
瑟廬詩草三卷	清·章永康撰	(黔南)	五七
蟻餘偶筆一卷附筆一卷	清·劉因之撰	(金陵)	一〇七
妙香齋集四卷補遺一卷	清·楊長年撰	(金陵)	一三七
靜虛堂吹生草四卷	清·王章撰	(金陵)	一八五
學詒齋文集二卷	清·薛壽撰	(廣雅)	二五七
玉鑑堂詩集六卷	清·汪曰楨撰	(吳興)	二八五
思過齋雜體詩存十二卷	清·蕭培元撰	(雲南)	三五—
心巢文錄二卷	清·成蓉鏡撰	(南菁)	三八九
慧珠閣詩鈔一卷附錄一卷	清·多隆阿撰	(遼海)	四一七

李叔豹遺詩一卷	清·李熙文撰	(雲南)	四三一
遲鴻軒詩棄四卷補遺一卷文棄二卷補遺一卷詩續一卷文續一卷	清·楊峴撰	(吳興)	四五九
廿我齋詩稿二卷	清·尹藝撰	(雲南)	五五五
壽花軒詩略一卷	清·汪懋芳撰	(荔牆)	六三五
醇雅堂詩略六卷	清·阮鏞撰	(金陵)	六四一

章先生傳

章先生諱鶴齡字子襄六峰其自號也章氏貴池甲族先生以積學為高材生名譽翕然著江表沈侍郎維鏞督學安徽先生屢試冠其曹侍郎舉貢太學行有日矣而邑豪賄郡守自謀中以蜚語而罷嗣遊京師諸公貴人多引重與交卒無力為拔起者先生浩歎而歸時以經術教授江南北弟子著錄甚盛先生頗身偉容善飲酒談笑胸懷朗豁不以利達困約自擾其於學無所不窺而慨然有志天下之務苟有稱舉必援則古先以證當代識者目為通儒先生生無他嗜惟朋友書籍為命束脩以上盡歲不少留妻女饑寒勿問也結廬陶家山擁卷自樂東南名宿往來造請輒窮日譚讌不倦暇則搜輯鄉邦遺著為池上掌故其後族子凌因廣為池陽詩鈔文獻以足又嘗手錄吳次尾劉伯宗丁東鶴章南湖諸先

靜觀詩集

生集其勤學好古如此晚而遭亂渡江館桐城劉氏越數歲卒年五十有七無子所為書皆佚不傳劉氏弟子曰雲璐者僅藏其詩七卷所謂靜觀書屋詩集者也今先生同邑弟子劉瑞芬刊行之而屬桐城後學徐宗亮次為傳

靜觀書屋詩集序

章子六峰余總角交少年力學即好為古近體詩於舉子業尤工兼善古文駢體然不多為也中年以往得詩已千首每訂一卷必屬余刪定余性狂直輒吹毛索癢就己見以為去取笑謂六峰昔劉季緒才力不逮作者而好詆訶文章余豈其人耶咸豐癸丑江南兵亂後余挈家室去鄉井流離浙東江右十有一年而後歸嗚呼六峰則已去世矣求其生平著作略無存焉重可哀也今歲之秋劉芝田方伯書來得六峰集詩數卷於同門劉君雲璐將梓以傳之六峰有知其亦可少慰矣應芝田命為之序亦以志余與六峰之交情一死一生未嘗不依依也同治癸酉冬十月同里金東籬序

靜觀詩集

靜觀書屋詩集序

詩自三百篇後離騷作而綴文之士與遞推遞衍日衆日滋大抵倣說以相激搜刻以爲能誇多闢靡窮之以至於無所終極然其間有單辭賡義傳之既久而不衰而連篇累牘蟲鼠之所齧蝕風雨之所摧殘往往烟銷灰滅零落無一存者將有幸有不幸歟抑傳之必視其人歟貴池章六峰先生留心經世之學撰述甚富尤嗜吟詠中年以後積詩已千餘首會值髮逆之變流離播遷都爲煨燼其亦可謂至不幸者矣而其弟子劉芝田方伯多方採輯久之於友人處得古近體詩數百首意清而氣逸珍之如商盤周鼎玉付手民以傳儻亦不幸中之至幸者歟乃不鄙辱余令序其首昔三山許閣生搜其師黃子厚詩集問序於朱子朱子嘉其師死而不忍倍之以爲難得今芝田之於先生視閣生豈有異焉惜乎余

書記部序

無朱子之文不足以傳先生於久遠也同治甲戌春三月沅陵吳大廷序

吾師章六峰先生講求經世之學凡國家典制郡邑掌故鹽漕兵農之屬皆窮究原委考證得失往來豫晉燕趙齊魯之郊於疆域阨塞河渠廢興亦頗搜討講論沈侍郎鼎甫廷廣文青崖陳太守岱雲諸先生皆稱爲有本之學兩至都門一時名公巨卿折節與交尤嗜吟詠兼工駢儷晚年歸池陽結廬陶家山危東垣舍人疏山堂之西搜輯吾池文獻並手錄同里吳忠節樓山先生詩文集二十七卷劉徵君伯宗先生詩文集二十卷丁相國東鶴先生詩文集二十八卷章水部南湖先生詩文集二十卷青燈焚燹寒暑弗輟東南名宿往來江上者莫不相與唱酬文燕之盛與池上郎杏村陳梅緣諸先輩相輝映咸豐癸丑粵逆東窺郡城淪陷先生挈家隱梨村山中乙卯後流氛充斥山中燔掠殆徧復渡江避亂桐城越數年卒於陳家洲平生著述甚富作詩千餘首遭值兵

靜觀詩序

三

亂散佚瑞芬求之十數年不可得幸未之夏桂禮堂司馬航海入都道出滬上樽酒話別出行篋所藏先生古近體詩數十首乃付之梓曰居易堂殘稿嗣桐城劉子琛上舍聞之抱先生詩集過訪上舍亦先生門人也亟校錄別付手民嗚呼人事變遷陶山之賓客都爲異物而一時執經門下如瑞芬者亦忽焉自傷老大俯仰今昔俱成陳迹重可慨矣而先生遺集展轉兵燹卒自全於天壤間是可以觀天道也夫光緒元年夏四月同邑受業劉瑞芬謹序

靜觀書屋詩集目錄

卷一

古今體詩八十五首

卷二

古今體詩六十九首

卷三

古今體詩八十首

卷四

古今體詩七十四首

卷五

古今體詩八十八首

卷六

古今體詩五十二首

卷七

古今體詩六十一首

右詩凡七卷共五百有九首

靜觀詩目

四

靜觀書屋詩集卷之一

貴池章鶴齡六峰

雨夜過杏花村

春雨晚來急催開紅杏花濕雲迷倦馬香夢冷棲鴉泥滑尋芳路帝收賣酒家倘教明日霽重此醉晴霞

送鄭賦山雲連歸新安

十年獻賦黯神傷匹馬匆匆返故鄉春草碧時人竟去遠山青處路偏長仙源一徑通黃海道脈千秋繫紫陽好向名區覓正學筆花醞釀爛生香

春日與金蘭洲東郭

樓用周柳橋明府韻

水樓疊疊面湖開不盡遊人往復回柳被輕風扶綠遠山隨落日送青來那能好景如春月聊遣豪情托酒杯當境其須

辭盡醉百年身世幾登臺

題蘇虛谷吳屋指畫墨竹

古人畫竹誠寡偶胸有渭川一千畝虛谷先生技更神不運以毫運以手疎密濃淡妙化裁指端直驅風雨來風雨迷離繞尺紙墨痕洗盡無纖埃窗面舊有數竿竹竹梢搖曳窗紗綠畫懸斜映竹窗曠是畫是竹誰能分君家先世東坡老兔起鶻落形容好若教與可並君生一指揮機參不了

青陽道中遇雨

策蹇赴萊城長途冒雨征泉聲爭潤落雲氣挾山行路滑憐孤僕津迷問耦耕前村知不遠入耳有雞鳴

山村夜行

空山沈寂夜有客躡層雲屋遠燈偏澈林昏路不分野狐窺

冷月山鬼嘯秋墳斜得村居客懷人酒半醺

秋杪宿感鐘山華藏庵與滿秀上人夜話

踏偏疎林葉雲房舍少延高僧頗好道留客共談禪窗響竹風起堂空山月懸鐘聲敲百八相對不成眠

辛卯除夕

一年今夕盡歲月易蹉跎曲巷鷄鳴少荒原虎跡多幾家方凍餒何處有笙歌憂樂渾無定令人喚奈何

期金蘭洲不至

煮茗早春天虛齋為君敞疎雨滴空階不聞雙屐聲梅花開一林獨自成幽賞

漫興

閒時流覽醉時歌拂面東風一味和世上覺無人不好願將此意學東坡

清溪即景

山繞村墟水纏廬輕陰吹散夏風初斜陽隴外排秧馬細雨灘頭打麥魚野屋幾家成小市生涯隨處足幽居此中卜築堪招隱蕭灑何年得自如

古意

心如時樣花織上機中綺裁綺製為衣花開無終始

哭家星奉夫子

七年教澤未能酬今日登堂涕泗流慧業直從中歲解

落月

長空一片月和霧欲西沈人影不在地烏啼將出林相邀曾

舉酒小住合停琴此際萬緣寂浩然清我心

病中

竟夜不成寐愁聽寒漏稀疎燈憐影瘦薄帳引風微母老親
炊藥朋疎龍扣扉隔林喧野鳥強起步庭闌

贈吳門郝竹坪志節

風塵雖久客雅度自冲融骨格生來健文章老愈工胸襟多
磊落世路任窮通交以忘年合傾談竟夕中
共話年來事從容笑語溫寒燈孤館夜落葉幾家村行儘詩
無草輕衫淡有痕知名天下士屈指更誰存

南郊冬望

獨立望無際長空烟景微不曾逢驛使何處覓春暉野水流
都瘦山雲凍不飛歌聲清入耳湖上老漁歸

與黃菊江金生夜話

靜觀詩一

半畝園林一曲欄知君何日不清寬酒斟舊釀消愁易花折
新枝割愛難幸勿因人趨世網休將誤我怨儒冠虛窗默坐
渾無事好展奇書子細看

禽言

喚起

喚起功無已千秋業全在己晨起故遲遲日亦不足矣

力作力作

力作力作有前無卻計日以程功今朝須勝昨百年事業無
窮期一步未臻休駐腳

稽古

稽古用心苦權耐苦一貫之傳得以魯

婆餅焦

婆餅焦婆難食阿婦燒鍋心太急心莫急奉養高年須盡職

阿婦亦有作婆日

克丁當

克丁當朝朝搗藥來雲房仙藥無處采長生亦何方富貴神
仙兩可致萬年天子誰當陽漢武帝秦始皇

割麥插禾

割麥插禾時到莫蹉跎三時力不惜入口饑由他打門有吏
嚴催科年如不足將奈何

行不得也哥哥

行不得也哥哥舉足即坎陷投身皆網羅世路險何其多人
心須坦蕩莫再起風波

著新脫故

著新脫故故不可去故從新來卻來何處

拔筍

靜觀詩一

拔筍莫拔盡筍盡無竹未能免俗

咄咄怪

咄咄怪前車之鑒後車戒世事胡為轉多敗

送徐捧一崇蘭歸金陵

五載同遊意興饒歸裝誰料促今朝清溪舊夢懷三固細雨
新愁話六朝好趁芳時勤砥礪休將壯志付漁樵來年定赴
秋風約打漿秦淮泛晚潮

白桃花

色相全空一段春春光於此見天真香盈小院惟留影笑向
東風不染塵霧井寒生永寵夜仙源老避秦人縱隨流水
杳然去未許漁舟解問津

漁笛

漁翁釣罷烟生浦返棹歸來搖弱櫓東山月挂水晶盤載酒

平灘飲三五蘆笛一枝信口吹不事引商兼刻羽初疑野鶴
唳松風旋似蒼龍喚江雨吟成折柳詞復奏落梅譜老妻按
拍女徵歌醉臥灘頭苔石古烟銷日出解纜行一篙撐入桃
花鴨

百牙山樓夜坐

清酒自斟三兩杯小欄杆外窗齊開月斜欲墮淡無色照盤
一燈湖上來

九日與李聘之

希珍姚北海王香厓家曼卿同遊齊

山

齊山極幽奇巖空徑紆曲湖水抱山流倒映羣峯綠絕頂架
孤亭曠覽娛心目登山如觀書幽探須反覆壁險磴枯藤洞
深然巨燭流泉倚樹聽古碣披苔讀內蘊自精華外觀殊質
樸若徒相以皮山靈笑人俗世人恣蕩遊豪情苦未足東凌

靜觀詩一

五

泰岱雲南望匡廬瀑西陟我媚巔北極燕然谷此心終茫茫
此身徒僕僕窮大失其居無乃虛信宿何如咫尺閒林靜互
起伏高不及數尋扶筇隨往復廣不逾千里著屐任遲速秋
色滿空山丹楓與黃菊一歲一攀躋猿鳥亦相熟看山人所
同契山我所獨攜手興悠悠不使形骸束絕壑晚烟生長歌
出林麓

棲雲禪林題壁

打頭紅葉落紛紛寂寞空庵映夕曛幽鳥自啼人自去倩誰
管領一山雲

華家松

在齊山南麓殿師手植今已無存

請劍空懷壯志賒將軍遺恨付烟霞行人不管興亡事猶指
長松說華家

村夜

暫與塵氛隔閉身也覺安犬鳴林屋靜人立板橋寒木落知
霜勁燈昏怕月殘荒齋無那寂永夜況漫漫

後約

清明日諸友燕集百牙山樓邀余未往爰賦二律兼訂

飄然物外此閒身誰料尋春轉負春縱以獨吟酬令節最難
行樂聚同人一溪魚鳥聯情舊三月烟花著色新想見雲山
應笑我遊蹤何苦逐風塵

不須彈指怨蹉跎絕勝清明修已過花待全開遲更好酒饒
積債飲偏多蘭亭會客羣修楔竹院逢僧醉踏歌人世百年
真夢幻肯令歲月暗消磨

石灰沖過吳次尾先生殉節處有感

天心已去復何求虛望神京寶錄收畔比殷頑勞破斧功輸
楚將誓沈舟戴天有恨空嘗膽亡國餘生只斷頭灑血于今

靜觀詩一

六

應化碧我來憑弔老松楸

梅根訪羅昭諫別墅

江天渺無際言尋昭諫居昭諫今已矣高風盈太虛悲君負
奇才十載困公車屈身事吳越惟期素志舒錢王坐擁兵唐
社終成墟豪傑不逢時匿跡混樵漁拙哉南邦使相士何太
疎顧謂江東生名不金榜儲金榜縱無名江東名自如出處
本真性無為喪其初文章殿三唐靈魂應慰渠灑酒對江天
搔首重愁余

江上望九華

九華之峯高插天靈根蟠踞長江邊江上波濤軒然起巖壑
震盪搖雲烟須臾風平日高出見出九十九朵青蓮上吸
銀河水下瀉瀑布泉金華鐵幹相新鮮一開不知幾千年憶
昔五溪橋上立山雨空濛兩肩濕匡廬面目認難真雲屏潑

盡松煤汁祇今擊楫求奇秀紛然集比似海中三神山縹緲
 虛無在呼吸六齋共戴羣仙居仙風邪引凡人入如近復如
 遠可望不可及山靈恣狡猶含情對我遙拱揖我欲為之留
 斯須片帆高挂胡為乎陽崖陰壑督爾過層巒疊嶂空中越
 手掬江波洗雙眼果然冠絕東南隅左持蟹螯右把盞枚量
 儘許吞江湖酒狂據案作奇想移山擬學愚公愚恨少長房
 縮地法使爾怪石嵌空玲瓏置一壺就中一事頗快意卧遊
 不待四壁圖魚躍焉飛老蛟舞蛟勝展著枯筇扶氣象萬千
 詳考核九華之名傳李白李白一去不復還空山何處尋仙
 跡仙跡不可尋寄身渾一碧江水自深山自高歲月無端異
 今昔世人但解參禪宗誰識狂吟有奇客詩魂跨鶴倘歸來
 笑對江天手應拍

晚發繁昌

市觀詩一

出港天將曙乘潮路不迷櫓聲搖斷夢星影墮前溪岸閣孤
 城小烟開遠岫齊一帆渺無際直抵秣陵西

泊天門山

扁舟一葉繫荒汀雄勝天門此暫經空闊長流千頃白混茫
 不斷兩峯青雲移星斗寒芒動波激魚龍夜氣腥吳楚成名
 終古在莫將成敗問蒼冥

登報恩寺塔

九級凌高漢千秋壯故都雨餘蕭寺冷烟外孝陵孤不盡興
 亡感頻隨眺望俱天風送鈴語隱隱達雲衢

莫愁湖

雙槳盪輕舟沿湖訪莫愁閒情空六代彼美足千秋翠黛憐
 山色紅菱采渡頭歌聲聽隔岸何處女兒遊

勝棋樓謁徐中山王像

市觀詩一

曠代元戎第一人圍棋決勝定前因湖邊水月權為主海內
 安危仗此身龍戰幾經襄大業馬肝何忍賜功臣銘勲百尺
 碑猶在益信風雲會合神

泊紫沙洲

暮色蒼然至扁舟罷遠征哀笳兩岸發秋月一江明浪靜遊
 魚出天空放雁橫來朝望鄉去聊慰倚閭情

望雁篇

爾雁何時來虛窗為爾朝大開長空迢迢一萬里翱翔每待
 朔風催一行遠振凌雲翮音書莫被關津隔故鄉風景已愁
 人何況天涯未歸客客在天涯十載居胡不寄爾一紙書一
 紙書無消息孤負江南好秋色蘆花已白楓葉丹矯首天南
 望臺北

九日遣興

市觀詩一

秋風吹空秋氣涼一簾菊花初放黃登高無朋縱減興坐對
 花枝情復長剝啄聲來門口疑是白衣人送酒須臾入門狂
 且呼云爾官租欠何久笑指破甑甑有飛塵笑指中厨厨少
 積薪稱貸無術吏怒益賸不怪爾吏猛如虎但怪六月晴不
 雨典裘賣劍償官租寒士家風一何苦妻孥且莫怨青氈力
 耕不足舌耕補留將三百青銅錢買醉雲山訪洞大

峽川尋明劉伯宗徵君隱居

深山深處絕塵緣遺老真成避世賢謝髮已聵仍擊竹陶琴
 雖在不張絃心清鹿豕同遊日夢斷風雲際會年一事足安
 泉下友覆巢遺卵得完全

王平山

金蘭洲有同看桃花之約夜來風雨花事蕩然爰賦小詩以誌時光之感

春夜宴芳園古人已云樂隨時變景光幽懷殊脫畧共道東

市觀詩一

風好誰識東風惡昨宵吹雨來阻我看花約主人閉門清
尊聊獨酌縣知惜花心朝來顏蕭索劉郎未曾來萬樹紅雲
落忽看更燕飛營巢入我閣細辨夾泥啣餘香撲簾箔

姚禹門 金蘭洲同集王香厓園中看芍藥

春花惜春怕春去竟把春光強留住輕紅淡白雙尾開倚檻
軟斜醉濃露日出天豔半飛騰風動幽香低籠護花也不嫌
遲春也渾忘暮蜂蝶紛紛逐人來添得園林無限趣分明一
種金帶圍較勝君家桃千樹極多當年侍宴誇多嬌即今
光彩還如故選客恰如韓公數擬借花枝卜前路

水德亭閒步

落日閒亭一角斜年年滿縣發春花踏青二月沿隄上人訪
寒山問可牙

清溪謁二生祠

靜觀詩一

九

宋德祐二年元伯顏下池州通判趙公昂發死之有
二生撫公屍哭曰生為趙氏人死為趙氏鬼何以洗
此冤清溪一泓水遂沈清溪弄水亭下

終古雪山幾變更千秋祠宇尚崇宏月明故國家何在潮落
空江鬼欲鳴濁世不教污姓字澄懷真足愧公卿趙家養士
年三百留得清溪水一泓

齋居偶感

檻外名花架上書悠然吾自愛吾廬性天不繫才無小物我
渾忘樂有餘見說枉陵思廣廈肯肯潘岳賦閒居興來也向
秋江釣瀟灑襟期豈在魚

過清風亭漢高處士墓處士名獲
光武故人

烟水江南獨隱淪高公見比子陵真一官諫議君臣定天子
何嘗有故人

靜觀詩一

七月初八夜
穿鍼樓上手初停天上佳期昨已經料得桐陰斜月裏有人
獨立憶雙星

鄉村雨後

散步乘新霽幽懷頓爽然晚烟低野屋流水響平田澗溢斜
陽外秋生古木邊呼童掃蘿徑閒坐理琴絃

齋居懷家曼卿

我心適無事愛此邛園樂隨時寓真性天地自寥廓長空秋
雨晴清明勝于昨籬菊花正開庭柯葉亂落倚檻延微風吹
面頗不惡無限山林趣悠然滿城郭幽人渺何許舉杯成獨
酌遙聽虛鐘鳴雲外一聲鶴

與姚禹門宿雲光寺

十年塵夢繫雲光今日尋幽到上方共話僧寮人喜舊不聞

靜觀詩一

十

官漏夜加長敲窗凍落松梢雪煮茗清分藥院香笑問空山
探勝客益公去後更誰狂

南村八景為李雲峯先生義作

南浦

南浦自盈盈閒對一尊酒但聞歌采菱不聞歌折柳

松陽亭

松翠半空飛松陽亭子小谷口清風來寒濤聽不了

孝竹林

此君以孝名此君真絕俗言哉坡老言不可居無竹

白果園

秋來多白雲深護園中果蒼颯逐隊來實共霜花墮

箭山

日月疾如飛巨靈赫然怒一箭射雲端來往驚烏兔

靜觀詩一

虎石

猛虎立重岡真精化為石將軍夜出巡彎弓射不得

五松墩

高墩植長松騰空欲化龍不比五大夫甘受秦皇封

石嶺釣臺

臺下碧水流臺上清風發幽人坐羨魚一竿釣秋月

春日遊齊山與倪集三聯句

一隄楊柳綠堪憐鶴齡結伴尋芳洞裏天亭對翠微懷小杜
述之人攜紅友醉青蓮述之暝日暖花爭笑鶴齡古樹風和鳥

弄絃俯仰乾坤舒望眼述之狂歌聊作地行仙鶴齡

不到名山已十年述之今朝著屐興翩翩留題自掃巖頭石
鶴齡者若還尋谷口泉三徑苔生初過雨述之九華峯斷半

含烟磬聲何處清人耳鶴齡打動詩情勝坐禪述之

龍泉詩一

豈是疎狂豈是顛鶴齡每於流覽証前緣馬嘶疑有將軍到
述之碑斷渾忘歲月遷世事浮雲空過眼鶴齡古來名士究

誰賢置身須在千峯上述之其向塵氛說後先鶴齡

登臨欲去更流連述之老衲牽衣古寺邊酒旆飛揚寒食路
鶴齡江帆出沒夕陽船人行紫陌紛如蟻述之雲散青霄戾

有鶯底事題糕重九日鶴齡秋光難比錦春妍述之

飲馬湖

王飲馬於此因名戰罷黃天蕩志窮力已竭羨殺飛將軍飲馬長城窟

僻居

炎涼世能閱曾經眾醉翻嫌我獨醒花事朝從深院課雨聲
夜坐小樓聽身無俗累緣安命架有陳編任乞靈檻外重簾
須暫捲放他舊燕到閒庭

宿山家

深山人跡少僻處一茅茨澗曲泉流細峯高月上遲安貧忘
市遠避客笑兒癡竟夜無塵夢清眠短榻宜

望月吟

太白舉酒邀夜月月下時聞浩歌發我今對月斟美酒擬呼
明月為雅友一輪高挂重林梢欲上不上秋天高星斗斂芒
角河漢收波濤仰見玉宇淨風露何蕭條此時望月人無數
爭羨光輝滿空布三五而缺三五盈代謝之理憑誰悟世閒
萬事皆茫然只有明月長在天先我生者何以不見今月圓
後我生者何以仍見古月懸而不先不後生此際明月依
舊來眼前停琴亦難仁滅燭殊可憐來去於我不相待往往
矯首情空泰安得飛升化為月中魄十二萬年如頃刻照偏
古今無限愁不向人閒作過客

酬孫子飛錫

龍泉詩一

非

孫君子飛錫山雅士也少遊琴川長寓秋浦余初未
與相識乙未秋蘭洲金君招遊齊山見壁上天外小
史題句讀之鼓掌叫絕用其收語跋之曰古松號怒

龍咄咄真奇句我欲得斯人好把黃金鑄傾倒之者
至矣然究莫知何許人屢後每一念及輒欲忘餐饑

渴之思鳥能己已丙申春余館黃氏寓齋客有訪蘭
洲於余者叩之乃孫君子飛錫其名克堂其字天外

小史其別號也余喜遇出望外益信筆墨之通神傳
命蘭洲俾相聚晤遂成莫逆交子飛贈詩於余余感

其意酬七古一章詳顛末以紀其事

文字知交數難悉誰具驚人一枝筆豪情落落空古今眼中
之人居其一齊山山頭見君詩醉中一讀一稱奇大鵬搏風
鯨拔浪具大神力安能支天外姓名苦難訪搔首獨立高岡

上蕭蕭黃葉共徘徊冉冉白雲增惆悵何意春風拂面來千
 樹萬樹花齊開花裏尋春過孫楚笑向花前共花語愛蘭人
 訪木蘭舟木蘭舟今秋浦遊塞裳為指點招招臨清流須臾
 贈我錦箋字字珠璣輝雙眸我讀君詩叩君旨金鉞度自
 君祖妣唐詩三百手親編一瓣心香貽孫子掃除塵翳開青
 君女君即是人中仙焦桐已入中郎聽知音何待五百年君
 留待知音摩挲袖裏詞沈吟巖上句擲地當作金石聲不羨
 君家天台賦賤子生來抱狂癖十千活酒從不惜一醉直向
 魔頭眼羞與時流抗歌席祇今相見非無因才華雲錦身風
 塵古來晴士總如此我不君交誰更親親君雅宜進君酒齊
 山待君尋盟久行將登高酌大斗驚起山松作龍吼

怒龍歌贈孫子飛

子飛才高不過因其有古松號怒龍句作怒龍歌贈

靜觀詩一

主

之

空山雲重多古松一松排雲成一龍龍不乘雲出山去爪牙
 攫拏含怒容青銅為鱗鐵為骨人世斧斤那能伐森森百尺
 增陰寒招引天風挂海月皎皎天風高無晝無夜龍怒
 號胸有不平氣自盛山精膽落潛遁逃我謂蒼龍勿復怒萬
 物資生仰甘澍方今苦旱苗欲枯不出為霖爾何故

九日翠微亭懷姚北海嶺南

迢迢嶺表住輕車望遠空教感歲華堪歎漂萍隨逝水可憐
 瘦菊放疎花故人酒國成酣醉遊子天涯合憶家獨向翠微
 亭上立仰看飛雁幾行斜

曉行

無端忙到我那復有閒身短榻夢初破長途征已頻疎烟低
 伴馬怪石立窺人村叟期相值蒼茫好問津

靜觀詩

送孫子飛之無錫

廿年末反梁溪路今日重遊韻事增細雨疎烟寒食節一盃
 麥飯弔延陵

喜筵階平

開泰至自京口

行盡江南三月天春光到處儘堪憐知君不羨清溪水會飲
 中冷第一泉

包公井

古井傳包老千秋仰令名羣情當水監一笑比河清父母公
 心凜閭羅鐵面呈此泉真澹定涓滴惠蒼生

訪王香厓不遇

我有素心人獨抱烟霞癖結廬遠器塵短垣環翠柏一日不
 相見有如三秋隔策杖扣荆扉一犬吠迎客寒菜生一畦涼
 颼吹兩腋聞君朝握鋤入山采琥珀雲外幾時還坐待溪邊

靜觀詩一

劉氏

古

石帳望情無人一林秋月白

貴池先哲遺書第三十

靜觀書屋詩集卷之一終

靜觀詩一

靜觀書屋詩集卷之二

貴池章鶴齡六峰

讀樓山堂集

遙夜坐山館夜氣清以肅抗懷鄉先輩於公最傾服身為草莽臣義憤素所蓄半生不平氣傾吐成卷軸坐言起則行大權苦未屬但見仰天笑不作窮途哭南邦黨禍成誰與洗冤獄一朝大厦傾致身恐不速石填海愈深戈揮日難復書生死王事當日推公獨遺編空抱殘揮淚不忍讀燈昏鬼欲鳴秋風滿林屋

正月八日與筮階平看梅雙蓮庵用蘇石鼓歌韻

臨罷蘭亭歲在丑幽懷直追襄陽叟東郊雪盡泥方深開跨疲驢湖上走湖山深處雙蓮庵中有寒梅開磬口栽梅人在千載前探梅人來千載後香滿禪房花滿枝不待寒氣消九

靜觀詩二

卷二

一

九想因託根淨土時法水曾沾淨瓶柳我對梅花直下拜折腰不為米五斗山僧愛客賞名花為花留客頻掣肘客從花下披荆榛何異農夫務去莠花開花謝自年年笑我訪梅如訪友結約恰趁早春天將雛春鳥未乳穀壁閒多少詠梅詩字跡參差認蚪蚪滄桑閱歷知幾何山陬無處問耆耆護花一大吠花陰猜猜不煩人指喚眾香界裏參禪機且為破戒進一占晨鐘暮鼓消受多覺路昭然發矇瞶人世相延止金石漢瓦商盤夏响嶮梅胡為者竟長春知是諸天法力厚可惜鋤月種梅人絕無姓字記某某如此一株真離奇一不可無二難有堅貞誰當伯仲之南山有栲北山杻莫嫌世事太匆匆浮雲須臾變蒼狗美哉喬木郊大國斧斤未伐洵非偶其旁更有梅數株對此不覺齊俯首皮飲入膚筋入骨一任夕霜相擊拊借花獻佛我心誠佛笑拈花意微取為問紛紛

看花人誰淨六根清八垢求魚原不須木緣得免那曾在材守我為巡檐索笑來愧難與梅同不朽花氣蒸成五色雲遙迎西母來稱壽

題吳東籬淡十八尊者渡海圖

軒然大波撼四壁一片汪洋望無極不須寶筏渡迷津尊者從中施法力龍騰超巨浸虎嘯乘長風鼎足三仙踞龜背蒲團布袋浮冥濛一僧擲杖波面立回顧肩隨僧拱揖曳裾把袂五僧聯踏破浪花衣未濕最老一僧眉獨長遙瞻彼岸心茫茫彼岸早有誕登者或坐或起或牽裳蒼烟浮島嶼皎日升扶桑餐氣成樓閣中央三千弱水隨飄颻可望不可即疑有鐘魚隱隱聲鏗鏘無窮變幻歸尺紙芥納須彌理如此畫工到此信通神前身不數吳道子我聞釋家言解脫為最尊惟戒生定定生慧宜掃八垢清六根胡為以身頻試險不依

靜觀詩二

二

淨土扣雲門魑魅縱無害蛟螭縱不吞生死僅了一身願落最下乘何足論不知靈源一點能澹定夷險隨時見真性海之周流無不包尊者見地同其超海之運量真能外尊者修行同其大活潑天機觸目呈豈真結伴渡蓬瀛即心心印心心乃見以指喻指指指愈明縹緲流迥與世人別何至失足神魂驚人惟慎思不出位身涉波濤亦平地人苟夜氣不常操身在平地皆波濤尺幅之中寓深意莫作等閒翰墨揮滔滔無數烟雲筆端運如此傳神頗清潤塵情俗意倘糾纏圖成空著佛頭羹

齋居即事

十年山館久離羣性地曾無俗累紛風定遊絲當檻立日長幽鳥隔花聞童知破睡茶頻煮客到闌題韻共分堪笑昂藏身七尺也從巖壑契烟雲